

დამტკიცებულია სსიპ კოლეჯი მოდუსის
დირექტორის 2021 წლის 16 აპრილის N 86 ბრძანებით

სსიპ კოლეჯი მოდუსის ტექნიკური უსაფრთხოების წესები

მუხლი 1. ზოგადი დებულებანი

სსიპ კოლეჯი მოდუსის (შემდგომში - კოლეჯი) უსაფრთხოების წესები (შემდგომში - წესი) განსაზღვრავს და არეგულირებს კოლეჯში უსაფრთხოების უზრუნველყოფის პროცედურებს.

მუხლი 2. უსაფრთხოების უზრუნველყოფის ფორმები

კოლეჯი უზრუნველყოფს:

- 2.1. კოლეჯის კუთვნილი ქონების დაცვას;
- 2.2. სახანძრო უსაფრთხოების უზრუნველყოფას;
- 2.3. პირველადი (გადაუდებელი) სამედიცინო დახმარების აღმოჩენას კოლეჯის ტერიტორიაზე მყოფი ნებისმიერი პირისათვის, რომელიც საჭიროებს აღნიშნულ დახმარებას;
- 2.4. საჭიროების შემთხვევაში შენობაში მყოფთა ევაკუაციის უზრუნველყოფა.

მუხლი 3. ხანძარსაწინააღმდეგო უსაფრთხოების უზრუნველყოფა

- 3.1. კოლეჯში ყველა სართულზე თვალსაჩინო ადგილას გამოკრულია საევაკუაციო გეგმა, რომლის შესაბამისად საჭიროების შემთხვევაში მოხდება შენობის უსაფრთხოდ დატოვება.
- 3.2. კოლეჯი აღჭურვილია შესაბამისი ხანძარსაწინააღმდეგო ინვენტარით.
- 3.3. აკრძალულია კოლეჯის ტერიტორიაზე (ეზო, სახელოსნოები, სასწავლო-ადმინისტრაციული კორპუსი) ადვილადაალებადი, ფეთქებადი და მხუთავი აირების შეცველი ნივთიერებების შეტანა.
- 3.4. თითოეული თანამშრომელი სტუდენტი და კოლეჯის ტერიტორიაზე მყოფი სტუმრები სახანძრო სიგნალიზაციის ამოქმედების შემთხვევაში ვალდებულია:
 - ა) დაუყოვნებლივ შეატყობინოს აღნიშნულის შესახებ სახანძრო-სამაშველო სამსახურს 112-ის საშუალებით (ამასთან აუცილებელია დაასახელოს ობიექტის მისამართი, ხანძრის გაჩენის ადგილი, აგრეთვე შეატყობინოს თავისი გვარი, სახელი);
 - ბ) შეძლებისდაგვარად მონაწილეობა მიიღოს ადამიანთა ევაკუაციაში, მატერიალურ ფასეულობათა გადარჩენასა და ხანძრის ჩაქრობაში.
- 3.5. სახანძრო უსაფრთხოების უზრუნველყოფაზე დადგენილი წესით დანიშნული პასუხისმგებელი პირები და თანამშრომლები ვალდებული არიან:
 - ა) შეატყობინონ ხანძრის გაჩენის შესახებ სახანძრო-სამაშველო სამსახურს 112-ის საშუალებით, აგრეთვე კოლეჯის ხელმძღვანელობას;
 - ბ) არსებული ძალებისა და საშუალებების გამოყენებით დაუყოვნებლივ მიიღონ ზომები

ადამიანთა გადასარჩენად;

გ) შეამოწმონ ხანძრის შესახებ მაუწყებლობის სისტემის მუშაუნარიანობა;

დ) საჭიროების შემთხვევაში გამორთონ ელექტროენერგია (გარდა ხანძარსაწინააღმდეგო დაცვის სისტემებისა), შეაჩერონ გადასატანი მოწყობილობების, აგრეგატების, აპარატების მუშაობა, გადაკეტონ ნედლეულის, გაზის, ორთქლის და წყლის კომუნიკაციები, შეაჩერონ ავარიულ და მასთან მომიჯნავე სათავსებში სავენტილაციო სისტემების მუშაობა, შეასრულონ სხვა ღონისძიებები, რომლებიც ხელს შეუწყობს შენობის სათავსებში ხანძრის გავრცელებისა და დაკვამლიანების თავიდან აცილებას;

ე) შეწყვიტონ შენობაში ყველა სამუშაო (თუ ეს წარმოების ტექნოლოგიური პროცესით დასაშვებია), გარდა სამუშაოებისა, რომლებიც დაკავშირებულია ხანძრის ლიკვიდაციასთან;

ვ) გაიყვანონ საშიში ზონის ფარგლებს გარეთ ყველა სტუდენტი და დასაქმებული, რომელიც არ მონაწილეობს ხანძრის ჩაქრობაში;

ზ) სახანძრო -სამაშველო სამსახურის მოსვლამდე განახორციელონ ხანძრის ჩაქრობის საერთო ხელმძღვანელობა;

თ) უზრუნველყონ ხანძრის ჩაქრობაში მონაწილეთა მიერ უსაფრთხოების წესების მოთხოვნების დაცვა;

ი) ხანძრის ჩაქრობასთან ერთად ორგანიზება გაუწიონ მატერიალურ ფასეულობათა ევაკუაციას და დაცვას;

კ) ორგანიზება გაუწიონ სახანძრო -სამაშველო სამსახურის შეხვედრას და მათთვის დახმარების აღმოჩენას ხანძრის კერასთან მისასვლელი უმოკლესი გზების შერჩევაში;

ლ) სახანძრო -სამაშველო სამსახურის მისვლისთანავე მიაწოდონ ინფორმაცია ხანძრის ჩაქრობის ხელმძღვანელს ობიექტის კონსტრუქციული და ტექნოლოგიური თავისებურებების, მომიჯნავე შენობებისა და ნაგებობების შესახებ, შენახული და გამოსაყენებელი ნივთიერებების, მასალების, ნაწარმის რაოდენობასა და ხანძარსაშიშ თვისებებზე და ხანძრის წარმატებით ლიკვიდაციისთვის საჭირო სხვა მონაცემებზე, აგრეთვე გაუწიოს ორგანიზება ობიექტის ძალებისა და საშუალებების ჩაბმას ხანძრის ჩაქრობასთან დაკავშირებული აუცილებელი ღონისძიებების განხორციელებაში.

მუხლი 4. პირველადი (გადაუდებელი) სამედიცინო დახმარების აღმოჩენის უზრუნველყოფა

4.1. კოლეჯში ფუნქციონირებს პირველადი სამედიცინო დახმარების აღმოჩენისათვის საჭირო მედიკამენტებით აღჭურვილი სამედიცინო დახმარების ოთახი, რომლის ფუნქციონირებას უზრუნველყოფს შრომის უსაფრთხოების სპეციალისტი;

4.2. შრომის უსაფრთხოების სპეციალისტი უზრუნველყოფს პირველადი სამედიცინო დახმარების აღმოჩენისათვის აუცილებელი ზომების გატარებას;

4.3. კოლეჯი უზრუნველყოფს სამედიცინო ოთახის აღჭურვას პირველადი სამედიცინო დახმარების აღმოჩენისათვის აუცილებელი მედიკამენტებით. მედიკამენტების ვარგისიანობის (ვადა, შენახვისათვის დადგენილი წესების დაცვა და ა.შ) შემოწმების კონტროლს ახორციელებს კოლეჯის შრომის უსაფრთხოების სპეციალისტი;

4.4 სამედიცინო დახმარების აღმოჩენის საჭიროებისას, რომელიც სცილდება შრომის უსაფრთხოების სპეციალისტის კომპეტენციის ფარგლებს, მის მიერ 112-ის საშუალებით გამოძახებული იქნება სასწრაფო სამედიცინო დახმარება.

მუხლი 5. გარდამავალი დებულებანი

კოლეჯს აქვს უფლება უსაფრთხოების დასაცავად განახორციელოს ისეთი ქმედება, რაც ამ წესით არ არის განსაზღვრული, რომელიც უნდა შეესაბამებოდეს საქართველოს მოქმედ კანონმდებლობასა და დამდგარ ფაქტობრივ მდგომარეობას, რომლის გამოც საჭირო გახდება ასეთი წესების გამოყენება.